


就寤集

方赤先生屬克明書籤





儼寮集

題高山四皓圖

併吞六國燒書時白頭正茹高山芝紫芝有味勝梁肉自甘不
許秦人知函關忽破漢軍入四翁未了枰中碁道高義不受人
辱沛公何由得見之一朝共墮留侯計出從太子朝彤墀人疑
之寃始於此危者安兮安者危

妾薄命

妾顏如花好妾命如葉薄結褵有願無良媒懷抱春來頻作惡
停針嬾綉紫羅襦紅水暗逐東風落妾薄命其奈何憐者少兮
妬者多今年冷落又明年藍橋好夢成蹉跎君不見王昭君蔡

古杭月堂宗賢著



文姬一生愁恨多流離娉婷空有勝人貌不若無鹽心坦夷

寄友人扇

才疎不能遠寄青玉案家貧難以分贈錦綉段思君不見將奈何聊贈一握蘇州扇蘇州扇小情意深結交豈在多黃金陳雷膠漆昔共許君之心即我之心

行路難

有書且莫看有琴且莫彈請君試靜坐聽歌行路難行路難難細數共室無殊隔吳楚通衢舊有九尾狐鬧市儘多人面虎甲心歡乙心苦側足行猶碍阻欲移濶步踏春風眼前都是他鄉土行路難李林甫

禪師別號石泉

谿欲深罅中戲沸流無竭瑩徹絕泥滓豈有溫生滅滔滔源脉長歷過塵沙劫分蘗注天瓢能沃群迷熱西支五竺通南與曹溪接清濁自家知不許人分別滋雲氣溟濛溜石聲幽咽何年借一掬淨洗我三業

梅圖 與計月溪賦

寒威曩扇隆冬時萬木凍折無完枝孤根煖獨抱陽德高標不怕霜侵欺紅椒忽破見白玉漏泄春信人方知自然嫵媚有香氣不待遠近嚴風吹姑射仙人粉瘦容殘粧半整珠珮垂師雄曾在夢中見月落參橫歸路遲我亦昔年到湖上折花寄與長相思今朝畫裡喜重見儼若風流前日姿未賞廣平賦且贈林逋詩願梅結子年年熟金鼎調羹定有期

金鄉翁耕雲歌

不願錢多說銅臭不願勢盛為高官買田買牛作農父百年可遺兒孫安黜陟之聲不到耳眼前夫婦常團團扶犁耕煖有生意一片綠雲春野寬錦鳩不啼天不雨侯蟲出穴蓑衣乾挂書牛角牛耳濕輟耕便把書來看看書且樂堯舜道浮名與我何相干日暮歸來茆屋底香杭米飯黃蘗盤老瓦盆盛桑落酒妻斟子勸同歌歡悠悠老向太平世有脚不知行路難教孫學耕種莫學人彈冠教女學機杼勤則衣裙完豈不見河南馮氏足豪毅高增所祀陸稱金鑿一朝日出凍痕盡酒囊飯袋仍饑寒又不見齊奴金散綠珠死春風梓澤耕為田吁嗟富貴草頭露炙手可熱無多年躬耕爭似鹿門叟千秋萬古人稱賢千秋萬古

人稱賢

隱士圖

泉甘土肥處結屋可終老山光滴空翠日夕清懷抱不知有官府且無塵事擾床懸白雲影起晏眠常早夢回笑世人白頭忙未了

擬宋景濂作磨兜堅一首

磨兜堅謹言語口是禍門當記取戒之戒之曾子訓出乎爾兮反乎爾磨兜堅欲非人先忖已須信隔牆猶有耳舌頭三寸禍之媒緘口金人良有以磨兜堅深藏舌謹閉口莫與他家分醜告密門開師德安此老括囊寧有咎磨兜堅人心險三峽水對面有刀藏笑裡惺惺請勿笑癡呆呆人不到崖州死磨兜堅戒

嗷嗷守玄嘿立仗馬鳴遠斥從今有口固如瓶要使時人稱
盛德好

田野間飲無絲竹娛耳作種田歌歌之以侑觴
蠶豈熟小麥黃綠車聲裡南風涼犁頭換鉄鋤換柄此時獨有
田家忙男耕隴女拔秧婆婆送飯孫提漿停忙就餉坐依草苦
辛不覺羹湯香一畝二畝趨促種三日五日青成行田窪易生
稗土瘦苗難長子不得休息妻不晨梳粧手胼足胝曾不惜惟
憂水旱生蟲蝗陳牲酬酒祭田祖願田得熟無凶荒不可忍
是饑腹所難負者官倉糧農可愍農可傷盃中之餘難得嘗君
不見朱門客青樓娼粟盈廩衣盈箱斟美酒封肥羊何曾說着
田家忙田家忙忙四時富者不知貧者知百物惟宜布種早既

熟休教收斂遲尚勤儉慮寒饑家肥弗被人輕欺我見懶惰不
忙者少米無柴長皺眉耕讓畔居讓籬饒人些子得便宜豪強
伶俐出懵懂朴實人家生好兒歌我種田歌請君仔細思姚家
之黃魏家紫怎及田家桑樹枝歌我種田歌請君仔細思雕墻
峻宇絢青紫到頭摠不如茆茨歌我種田歌請君仔細思百工
技藝農為本守此業兮毋改移

勉東皋生

要作吳中第一人五車書裡去留心非因筆底文鋪錦那得腰
間帶裏金舌在何憂無富貴才疎終見老山林渠儂果是奇男
子必向芸窓惜寸陰

早春書懷

笑見泥牛喚受鞭昏風與我又增年心無繫累堪為客腹有文章可換錢未老尚能持劍舞雖貧端不要人憐平生願學秦維翰改業須磨鐵硯穿

早夏書懷

夏到猶穿舊布裘貧如范叔拙如鳩愁能瘦客腰寬帶老不瞞人雪在頭有竹林家常夢想無風波處且淹留樓伍望近重登塔目極西南念首丘
眼見堂堂春去盡炎官布令夏初來榴花爛熳紅如火荷葉團圓小似杯處世不忙窮快樂驚人無語老癡呆山中有屋堪容膝不把黃金買釣臺

索索縲車白引絲田家此日不憂飢芹羹嫩滑加鹽煮麥餅香甜裹菜炊地蓋濃陰蕉放葉門遮新綠樹添枝悠然一枕南窓下夢到華胥睡醒遲

無題

翠合雙眉豈為貧有書難寄意中人青蠅舊汗他家壁白氈今沾何處塵蒲葉經霜難自保燈花報喜恐非真玉簫聲斷江州遠往事牽心入夢頻

失去高陽扇戲書

銅頭竹骨紙衣裳南去高陽是故鄉熱處展開涼處摺手中拈弄袖中藏曾因醉酒拋筵上或要驅蚊放枕傍昨日無端嫌我老辱身重去換新郎

悼計文致 被人謀死於水

嫌君骯髒忌君才談笑中間有禍媒龍引魂歸藏水府子銜冤
去訴霜臺鄉評月旦芳名在霧塞乾坤怒氣來記得年前花柳
月黃葵燒筍共傳杯

悼史秋江

酌酒論詩伴漸無故人今日又云殂樓藏手澤琴書在泪滴麻
衣子女孤渤海珠沉難再見華胥夢熟不容呼空中昨夜星光
墜驚散依棲屋上烏

咏魚

曾向龍門點額來要知端的看紅腮潮高有力隨潮去海闊無
媒到海回此日淹留三級浪他年變化一聲雷吞舟豈是池中

物頭角殊時換舊胎

七夕見雙星

金梭擲却巧粧梳夜渡銀潢覓舊夫遠別身因愁裡瘦相逢病
向笑邊無聊為弄玉三更樂也勝嫦娥一世孤月落靈官催曉
發行遲嬌欲倩人扶

寫寄悅中上人

趁此秋涼且讀書古人勤苦惜三餘材逢匠石方成柱鱗入天
池不是魚念爾有才終變化慚予無力為吹噓皇風浩蕩乾坤
闊是處雲山可卜居

贈雙林凌先生

能行針名聞于時

活物之心天地同金針鋒裡有陰功如移此術醫天下肯使貧

山房校鈔書籍
民在病中定穴遠傳仙子訣輕財全有古人風悠悠老向山林
下美譽遙馳動上公

壽月潭老師

師能數息更空寂自少康寧到白頭不許心田生宿草常將智
水洗閒愁冥搜是妄嫌齊已年紀添多只趙州手種青青前樹
鱗皴看直到千秋

贈醫士顧克信 別號東軒

小結幽軒杏樹東朝朝先見日輪紅涼消暑氣簾前雨煖送花
香巽上風門對扶桑暘谷遠溪橫略約海潮通春晴曬藥依簷
坐境勝人清似畫中

送舉人周行之赴試春闈

此行騰步上層霄脫却青衫換錦袍玉價連城逢聖主文光照
世動時髦黃金榜上魁多士香餌竿頭得六鰲到此方伸丈夫
志馬蹄輕快氣英豪

思竹 馮先生乃父愛竹父沒先生以思竹為號

庭前竹是吾親種親入重泉竹亦枯夢裡清風何日見眼中珠
泪幾時無逢霜暗想禁寒節靦面深漸反哺烏不報平安無好
信翠雲零落鳳雛孤

送陳上舍赴選

聖主如堯重雋才久虛前席待君來今朝暎踏春風去佗日榮
看畫錦回白髮親膺封邑誥青年子管讀書臺官居一品三台
上德澤頻施潤九垓

春日偶成

春深時節尚如冬百草藏芽在土中凍雪不消山有白游蜂未
出樹無紅行人路滑村村雨賣酒旗搖日日風陰沴似同陽德
較欲從天上問三公

悼一松老師

二鼠無情啗斷藤千呼萬喚不重磨人人見說流雙泪得得來
尋少一僧童子罷燒煎藥火飛蛾爭撲照龕燈平生未了聞公
案今日都将付惠能

覺長老退院寫贈

鋤斧收葳斂化權東歸已了住山緣重尋舊屋牽蘿補淨掃香
床聽雨眠不管流年添甲子從佗海水變桑田悠悠多少聞中

趣半在松邊與竹邊

洪長老退席寫贈

識破浮名成一笑急流湧退便安閒丟開白棒深藏舌覓得青
錢且買山人被年催寧不老鳥因飛倦尚知還從今懶與心相
合日照松頭未啟關

送竹溪長老住山

住東禪寺

獅子勛琴彈一曲衆絃皆絕寂無聲東南白足僧重出西北黃
河水又清麟鳳龜龍人始見烏焉亥豕字方明紛紛鈍鐵壅爐
講此日都憑煨煉成

悼圓明景老師

此老身披木直掇心隨落日向西行聊將隻履藏新塔不駕三

車入化城文字埽空無剩語衣孟傳授有香名寒風亂響門前
葉似助諸僧慟哭聲

題畫與約上人賦

家住千山萬木村雖貧亦感聖君恩園宜種藥秋收木吏不催
租夜到門儘有閒情看竹坐了無機事對人論百年留得琴書
在清白相傳與子孫

與月菴諸公游張家墩賦此

巨浸中間土一墊周遭無路可通村鷗鷺隊散人呼渡漁曬網
鯉僧閉門古額不磨庵已舊殘碑可讀字猶存涼多六月簷無
暑濕氣沾衣水霧昏

大音詩為雷上人賦

藐藐虛空忽有聲驚開蟄戶燒痕青人間不及拚雙耳雲際應
知走六丁巖谷消寒陰溜響海波生暝卧龍聽無聞泯見參玄
士靜擁禪袍正掩扃

題古木圖

亭亭一樹高千尺老向山中人不知尚有清陰遮碧篠豈無餘
力長新枝經霜經雪能禁冷為棟為梁或可期大厦將傾用材
日憑誰先說與工師

茆屋看書圖為陸郡侯賦

老賜歸田感聖恩因閒重展舊書溫嘉言不忘心猶壯細字能
看眼未昏得此昔曾調鼎鼎傳之今復課兒孫五車換得千鍾
粟不許催租吏到門

春日書懷

閒開眼看人間事不定無殊局面甚趨健有錢須換酒逢閒得
伴且吟詩迷村重霧易吹散當戶好山難動移為問東風游冶
子春花紅有幾多時

長至日書懷舟泊南溪橋

此日陰消長一陽遠人猶未得還鄉蘆花浦口看明月柳樹橋
頭繫短航牢落一寒如范叔哀遲兩鬢似馮唐平生學得詩無
用身世矜孱老益忙

立春即事

官城看打土牛歸便覺春風在竹扉隣喚客嘗新菜餅鳥催人
脫舊綿衣晴川解凍仍東注旅鴈隨陽又北飛繞屋梅花詩思

好不妨車馬到門稀

都下送僧還鄉

白玉堦前承主恩袈裟笑挽出都門折蘆夜渡江心月乞食朝
投郭外村楊柳未陰春尚淺桃花欲落水初渾故園師去三千
里何日還來與重論

次韻題松巖卷壽僧錄別號

荷鑿曾從雨後栽青山別却去還來好緣未斷元非夢舊路重
行半是苔低護翠雲看葉長亂飄金粉見花開誅茆我且相依
住一任時人笑不才

舟次武進縣書懷

東風吹雪暗江濱梅萼衝寒報早春蓬底自憐鄉國遠天涯誰

念客途貧都無綠醕消離恨只有青燈伴病身此夜玉樓金帳
底淺斟低唱是何人

訪一舟僧匿不出迎留此于壁

愧我貧無赫赫聲登門誰肯出相迎離多會少成生客事冷年
深斷舊情簷蔔花前空問路芭蕉葉上謾題名黃鸝似不知人
意欲去嚶嚶隔樹鳴

挽長老海無涯

其患痿痺病十年不能步

雙眉愁合病懨懨瘦比維摩懶坐禪一榻獨眠籌室裡十年不
出寺門前呻吟有苦憑誰說藥石無功只自憐昨夜忽思天竺
去盡將衣鉢向人傳

贈周汝楫

奉化縣二尹之子曾游泮水

公子風流一鳳雛蜚蜚聲價動三吳曾窺玉兔宮前桂要扶驪
龍領下珠道在不隨流俗轉才高自與衆人殊花時邂逅初相
識對我留連醉酒壺

牡丹

在岳祠院賞

老眼看花似霧中心情不與少年同惟圖酒有十分醉不恨筵
無一點紅彈指光陰渾似夢到頭顏色摠成空儂家多少青春
伴此日都成白髮翁

牡丹

在錢大掾家賞

蝴蝶翻風宿雨乾花開國色倚雕欄一鼓暎日蒸霞氣幾朵含
香簇錦團釀酒要期賓客賞培根欲使子孫看今朝我向君家
醉忘却人間行路難

賦

寮

集

山房校鈔書籍
松陵王君先為僧後還俗娶偶戲贈

難忘飯裡錦香囊老別湖頭紫翠房
買地重開新第宅看花懶
着舊衣裳風前短燭無多焰
眼底紅塵有許忙可惜青青甘蔗
種亂栽秋圃不成行

贈松陵無猷長老

悟得曹溪一味禪聲光遠到玉階前
欣看捧檄逢時出不許懷
珍拚室眠繚繞看雲圍衆衲指
撫如意說三玄洗光佛日扶宗
鼎要與人人揭蓋纏

簪竺芳長老住三塔寺

雨露新沾出帝都歸將佛法化三吳
名高荆楚連城璧光比摩
尼破暗珠掣電機鋒誰敢觸懸絲
宗鼎力能扶雷音獨振升堂

處紅白紛紛擁座隅

悼周孟璋母

節近登高暑氣無庭萱忽報碧叢枯
苦中有子朝垂淚燭下無人
夜辟纒夢入瑤池仙駕遠玉埋幽
窀漆燈孤我來致吊西風
裡忍見堂前戲絲圖

悼倪先生子

明珠擊碎巨靈鞭無復重圓世共憐
蕉鹿事空醒大夢薤歌聲
起隔重泉兒孤况值垂髫日父老
今臨戴白年寂寞不堪風雨
夜聚頭無語哭燈前

舟中即事

偶向溪頭晚泊船老農相見話今年
時凶况值民多疾物貴仍

蕪米直錢入夏不收連日雨到秋重沒遍鄉田憑師莫問西成
事多少人家斷爨煙

寄倪先生

市近空聞有酒沽窺囊愧我一錢無清貧可比陶元亮獨醒渾
如楚大夫兩月不持排悶盞一冬長傍煮茶爐年凶况復身漂
泊折簡誰招醉玉壺

挽筠軒處士

頭白人如三寸燭難禁急急曉風吹九泉得路便歸去一息不
來長別離陶逕雨荒籬下菊高山香老石邊芝孤燈欲滅羅幃
冷正是共姜腸斷時

網魚圖

渡口朝來晴復陰雙鳩喚雨隔春林鯉魚入網一斤重新水沒

五句誤

金蓑衣換酒老年心夫妻聚首蓬牕下

歡笑曾無頭白嗔

寄金明大禎上人

江楓葉落夜霜飛遠客身貧未授衣客髻漸驚秋後改鄉園長
在夢中歸新知舊好音書絕白屋青氈活計微牢落愁懷無處
寫晚登高塔望斜暉

山林小景為律上人賦

布衲琴牕深隱處山頭遮屋樹遮門無心自與寂寥合有耳不
聞城市喧鹿過喫殘園菜甲樵來踏破逕苔痕閒邊悟得曹溪
旨世不知名道益尊

山房校鈔書籍
蕪米直錢入夏不收連日雨到秋重沒遍鄉田憑師莫問西成
事多少人家斷爨煙

寄倪先生

市近空聞有酒沽窺囊愧我一錢無清貧可比陶元亮獨醒渾
如楚大夫兩月不持排悶盞一冬長傍煮茶爐年凶况復身漂
泊折簡誰招醉玉壺

挽筠軒處士

頭白人如三寸燭難禁急急曉風吹九泉得路便歸去一息不
來長別離陶逕雨荒籬籬下菊高山香老石邊芝孤燈欲滅羅幃
冷正是共姜腸斷時

網魚圖

渡口朝來晴復陰雙鳩喚雨隔春林鯉魚入網一斤重新水沒
灘三尺深搖獨櫓直千金蓑衣換酒老年心夫妻聚首蓬牕下
歡笑曾無頭白嗔

寄金明大禎上人

江楓葉落夜霜飛遠客身貧未授衣客鬢漸驚秋後改鄉園長
在夢中歸新知舊好音書絕白屋青氈活計微牢落愁懷無處
寫晚登高塔望斜暉

山林小景為律上人賦

布衲琴牕深隱處山頭遮屋樹遮門無心自與寂寥合有耳不
聞城市喧鹿過喫殘園菜甲樵來踏破逕苔痕閒邊悟得曹溪
旨世不知名道益尊

竹深軒卷為雲上人賦

衲深愛竹竹間住回五百竿青繞軒送響有風來入座借看無
客敢敲門長梢禁冷琅玕瘦密葉攢陰翡翠繁一擊恍然明白
處此時宜對阿誰言

寄北麻馨長老

門換桃符歲歷新東風不散客途貧方臯有眼應知馬尼父多
情定泣麟日色自同雲送煥梅花閒與柳爭春苔溪溪上山如
畫此日歸尋寄病身

寫情

夜夢春愁亂似麻思家便未得還客床頭金盡人人笑局面棋
輸着着差一棹貪為吳地客三年不見故園花朝來試覽青銅

鏡羞見蕭蕭兩鬢華

挽南麻壽講師

昆嵐風忽起松陵撲滅祇園照世燈設利有靈藏一塔宗門無
主泣諸僧江漚易散留難住儀像空遺喚不應舊日徑行溪畔
路苔痕青積幾多層

挽奉先達老師

道德吳中獨此僧慚予不識只聞名無由可見空成夢有願來
尋已隔生靈塔苔侵添寂寞影堂燈在不明門人何處堪腸
斷雨打芭蕉春夜聲

小畫為兩上人題

重疊崗巒曲折溪松杉深處是招提清風九夏門長靜綠草三

春路易迷石上雲生僧不埽林端日出鳥先啼當年我亦曾游
到墨澹蒼崖有舊題

書懷寄愷悅中

秋城賣盡古戾瓜江上芙蓉欲放花舊扇為涼重入篋遠人因
病却思家溪頭水淺魚書斷天末風高雁字斜自笑年來諸事
減滿頭霜雪獨增加

咏梅

根深自信得春遲獨立空山且待時瘦骨從教殘雪壓酸心不
許俗人知枝頭結子寧無日鼎內調羹或可期未遇揚州何水
部寒香空逐晚風吹

悼陳上舍室

簫聲吹斷赤繩緣弄玉先騎鳳上天紅粉面嬌難再見青銅鏡
破不重圓愁迷水國飛精衛血灑花枝泣杜鵑留得無依兒女
在夜圍蕭史哭燈前

寫懷

歌我新詩停爾觴新詩調苦易沾裳可憐蓴菜性多冷誰信海
棠花不香遼鶴空懷千載恨園蜂浪費一春忙丁寧說與無鹽
道莫學秋娘巧樣粧

愚隱為錢君賦

舉世惺惺我獨愚甘為貧賤住茆廬高眠不作趨炎夢靜坐惟
看種樹書算老已知頭有雪開門敢怨出無輿從他伶俐城中
客要比儂閒搃不如

悼楊氏母

一夜涼風掃至坤，忘憂草萎婺星昏。
塵凝杼軸機聲斷，香冷杯圈口澤存。
有子罷溫冬夜被，無人重倚夕陽門。
青裙拭淚隣家媪，來拜儀床數舊恩。

挽岳祠行講師

師壽有如春夜夢，正甜無奈曉鐘催。
諸僧挽袖留難住，隻履登途去不回。
塵海已沉行道筏，雲山空見講經臺。
蓮花社裏高名在，不逐閻維變劫灰。

悼東禪寺禧長老

勞生同作夢中夢，師被阿誰先喚醒。
紙上丹青留畫像，寺前風雨泣山靈。
併收設利光難掩，龍出軍持水尚腥。
埽月堂空香篆

冷此生無處問安寧

秋日訪慈雲寺天章上人

秋風吹我到禪寮，此是相尋第二遭。
道合自無雲雨手，情真不比世途交。
波沉菰米魚添食，葉落楓林鳥露巢。
欲去更留歸路晚，海門生白月輪高。

松巖與應天萱上人賦

巖岿峭拔數千尺，下有萬牛回首村。
自喜靈根深得地，曾經劫火不成灰。
青搖偃蹇濤聲合，白擁嵒岈雲氣來。
布衲頭陀依此住，夏涼無夢到天台。

挽李潤之

入門先見是儀床，拜罷儀床寸斷腸。
良友已從泉下去，老夫猶

在夢中忙無因復對三杯酒有淚空添一炷香更約他生會何處葛洪川畔與瞿塘

贈陳千兵介菴

將軍生長太平年武略文華兩獨全靖海慣游鯨浪裡承恩曾拜鳳樓前氣吞胡羯三邊種令肅貔貅萬灶煙熟讀兵書思報國張燈夜夜看龍泉

相會蘇城顧先生

邂逅相逢水寺中始知君是抱珠龍青雲未達超荀彧絳帳曾開學馬融錯落珠璣生咳唾光銜星斗貫心胸芭蕉牕下燒紅燭對我殷勤話夜鍾

贈門人范用柔

冰生于水冷如水青出乎藍青勝藍十載燈牕曾苦學五車經史力窮探渠身未達應思北吾道今傳已過南見說年來施絳帳群英擁座聽高談

寫懷

無由可到日頭邊汨沒泥途只自憐有好心存因識字不如人處為無錢含愁坐看燈前劍送老思耕郭外田富貴不來成老大今年牢落又明年

天民達講師退席贈此

老無勛力開爐篝收拾鉗鎚且養恬有過便從今日改無忙不被此山嫌閒聽夜雨高燒燭煥放春風半捲簾瘦着荷衣甘冷淡厭人開口話趨炎

咏柳

日日東風搓柳枝
漸看搓綠軟如絲
依稀有影遮門戶
婀娜無心管別離
霸岸新愁憑雨洗
章臺舊恨許誰知
花飛不受昏拘束
滾地如毬悞小兒

思牡丹

遙憶牡丹花一枝
可憐全在半開時
芳心舊日曾知我
國色今年又對誰
葉底有香風度遠
階前無影月來遲
好因緣斷難重見
永夜空勞入夢思

送約上人往補陀了香愿

南海南頭是補陀
蓮花洋裏一青螺
神堯啟運封疆遠
大士尋聲救苦多
風送潮來高似屋
帆催船去快如梭
知師到得燒香

處小白花薦三月過

讀文山先生集

旄頭星現北風號
宋室君臣坐不牢
萬姓低頭降左社
六飛隨日向南逃
孤身徇國心何苦
隻手扶天氣獨豪
留得功勳在青史
至今名與泰山高

寶劍

天生神物氣衝霄
得遇張華價便高
躍入波濤思變化
剪除奸佞有功勞
逢人不許千金買
出匣能驚萬鬼逃
善飯將軍須着眼
休教錯認是鉛刀

鶴

服食華芝五十年
身輕自信必成仙
低頭肯與雞爭粟
整翮將

隨鳳上天紫府瑤臺曾有夢紅塵鬧市本無緣孤棲不合超凡
眼要看人間海變田

馬

伯樂墳荒沒草萊無人有眼識龍媒常思萬里追風去不願千
金買骨回老不遭逢空俊逸生因流落困輿僮青葛紫豈終無
分瘦卧東南堊水隈

次韻寫贈孫縣尹文聚

脫却朝衫便不忙歸來深鑿種魚塘當門要植三槐樹傍水新
開五柳庄倒着接鬪元亮醉笑騎驢子謫仙狂春來為愛僧清
淨兩度相尋到草堂

翫麟身雖近日邊憂民未老雪盈顛廉同靖節辭彭澤歸效楊

雄草太玄三逕菊松新活計半生詩酒舊因緣留侯有智知幾
早辟父燒丹去學仙

牡丹在雙溪潘老人家賞

賞遍南園北苑花尋春今又到君家凭闌笑看千堆錦眩眼香
迷一片霞謾舉金罇人酩酊曾催羯鼓事豪奢相逢不語渾如
夢綽約空憐隔絳紗

吉祥寺裡曾相見富貴人家又得逢懽賞已忘疇昔事風流不
減舊時容日烘翡翠枝先軟露洗臙脂色轉濃為報青春看花
伴無辭今日醉歌鍾

初夏書懷

三年不見浙江潮夢裡還家知幾遭老去自憐成逆旅寒來誰

肯贈綈袍葵傾夏日心尤熱萍寄春江跡不牢上盡層樓望西
北鄉山更遠復登高
破除萬事飲杯酒蕩滌孤懷吟首詩蝶散已驚花盡日蟬鳴又
是夏來時一駒過隙眼休眨二巖侵藤人不知醉卧南窓笑梁
顛青雲得路髻如絲

醉後書

春來日日醉如泥散盡青錢復典衣一月陪人花下飲幾番扶
我月中歸無機便得除煩惱有耳何曾聽是非不是沉迷學劉
阮白頭忙伴眼中稀
銜杯未醒復銜杯那得春襟鬱不開對此賓朋終日醉知他富
貴幾時來衣沾紅雨簪花舞壺繫青絲換酒回笑彼三閭獨憔悴

悴到頭無骨葬蒿萊

寄友人

梅花香散無多日又是田家浸種時眨眼光陰容易過隨身造
化最難移多愁有雨驚春夢不偶無人愛我詩欲買蘭舟蕩雙
漿來從君處一開眉

葵花

在奉先寺祥上人處賞

風流態度驚人目春盡相逢恨見遲得地根深能自保傾陽心
熱有誰知嬌如虢國承恩日艷比華清賜浴時移向東林伴禪
寂桑中月下斷佳期

登塔

在慈雲寺

足躡雲梯步步高騰身今日上層霄光華得近一輪日空濶宜

看四海潮上下燈昏油燭短周遭風起鉄鈴搖老夫胸次多離
恨此際如冰一半消

山房校鈔書籍

題先主訪孔明圖

三過隆中訪卧龍英雄人自識英雄先生抱負名驚世帝胄經
營氣吐虹不怕南夷生孟獲何愁東洛有曹公君臣際會如魚
水共建中興第一功

採杞苗

採得青紅藥滿筐提歸一路暗吹香村中望去人煙近背後隨
來蜂蝶忙味辨君臣粗和劑火加文武謾煎湯老夫服罷攤書
坐細字能看眼有光

葵花在祥上人房賞

桃李爭妍紅白日吾葵正在寂寥中花逢五月人方見心與三
春草不同醉臉凝香烘夏日翠裙搖影對薰風分根得到禪那
地悟徹從前色是空

壽耕雲金處士

閒與漁樵淡結盟尋常身不入州城年過耄耋猶康健眼見乾
坤正太平雞黍開筵無舊伴兒孫繞膝有懽聲不知漉酒陶巾
裡短髮今年白幾莖

山水圖

一帶山光映水光地靈人盡愛文章苕溪西去無 笠澤東
來有此鄉淨几虛簷招隱館牙籤玉軸讀書庄蒲輪若載徵書
至使者休嫌石路荒

秋江與澄上人題

遙遙不斷接曹溪派出迦毘五國西雨過涵空微有影秋來徹
底淨無泥洪濤聲裡深淘汰上客詩中舊品題碧漾玻璃金氣
肅芙蓉花發水禽迷

滔滔性海中流出分載慈航入化城一鏡含秋千頃碧三更浸
月十分清能除火宅癡兒熱可洗名場倦客纓任爾涼風與涼
雨攪心漚沫不重生

夢蕉與廣上人題

葉葉供書汗墨痕高低分綠映紫門如雲夜夜遮明月遇雪年
年保舊根懷素牕前陰已散王維畫裡跡猶存禪餘小脫袈裟
卧虛脆無端入夢魂

釣魚圖與寧上人題

不得金鱗未肯休朱涇渡口久淹留三年蓬底無煙火百尺絲
頭有釣鈎青箬笠輕超爵弁綠蓑衣暖勝羊裘龍門隔斷桃花
浪多少魚鰕在下流

游西湖

十里長堤鎖六橋湖無鹹水不通潮人從歌管聲中醉船在丹
青畫裡搖日照桃花烘笑面風吹楊柳舞纖腰年年二月連三
月多少黃金此處消

虛舟號詩為明上人作

舟無物載載虛空泛泛隨流是處通大義江邊春解纜朱涇渡
口夜推蓬歸遲為阻桃花雨去速因逢楊柳風舵正不愁風雨

惡尋幽直過太湖東

嫠婦吟

苦在中腸說與誰燈孤帳冷夜眠遲天邊月有重圓夕地下無人再見時隔世願為連理木今生已比斷頭絲曾從夢裡相逢着拭淚款款話別離

漏澤園在蘇城

彷彿北邙山下村愁雲滿目寂無聞兩三四步穴連穴八九十堆墳對墳上已尋芳人不到清明得祭鬼同分誰家犬吠斜陽裡驚散蒿中狐兔群

千堆土下埋腥腐盡是東西南北人可笑生前未曾識誰知死後得為隣螢飛黑夜生陰火鬼到清明憶舊親怨血愁腸化為

草垂頭滴露似啼春

寄徐君

同醉香醪水寺中別來又隔兩三冬逢人幾次談清德對月多遭想玉容策杖未尋藏霧豹題詩先寄抱珠龍良宵夢裡曾相會又被僧敲報曉鐘

悼計大掾室

泪濕梁鴻袖因無舉案人貞魂歸月裡豔骨葬溪濱剩棄針頭線增添鏡面塵畫欄空曲折不似舊時春

近日交

近日論交友不如雷與陳情濃前日富面冷暮年貧金盡義亦盡口真心不真一朝投陷穿視等路途人

悼聰禪師

如此傷心事百年誰可逃難饒三輔貴不怕五陵豪偶倒因停
線燈昏為畫膏今師亦已矣長別舊同袍

題畫

與應天萱上人

高僧禪寂處路險石嶙峋啼雨有幽鳥敲門無俗人泉清流入
井樹老折為薪我欲携瓶錫相尋共結隣

挽潘隱翁

月黑秋窓外誰呼祈孔賓欲尋天上伴便弄夢中身冷落看山
屐收藏漉酒中傷心粉社裡漸減白頭人

題畫

水好山幽處布衣人佔游既行仍坐坐欲去復留留林暝畫疑

夜溪涼夏是秋吳中有仙境何必問丹丘
未踏青雲路臨溪且釣魚自知貧有命不怨出無與愛結漁樵
伴曾看孔孟書終當見春日布煖到吾廬

游張墩次月菴韻

高僧修水觀菴與水為隣風裡浪催浪渡頭人喚人煙疑元是
氣漚破不成塵此處多清淨予來寄夢身

悼戚景昌

隣家招飲日君亦共持觴爾骨先歸土予心今未忘浮漚還作
水衰草不禁霜死別生離事分明夢一場

悼王氏母

白頭王氏母裔好出簪纓內抱幽閒德外聞慈孝名奉姑姑獨

樂教子子皆成忽熟瑤池夢比隣有哭聲

抱琴圖

銀箏與錦瑟新調有多般亂耳何嘈雜爭聽盡喜懽子期呼不起叔夜見尤難囊裡焦桐在深藏且莫彈

扁舟圖

雲間陸魯望不是釣魚人避俗寡交友買舟聊寄身五湖游覽遍三泖往來頻得此煙波趣何曾問紫宸

儼寮集

古杭月堂宗賢著

題四景畫

陽春布德無私意次第消寒到我家喜見門前背陰處梅花開過又桃花倚檻看花

轂後驅夫馬上郎羊腸路裏一般忙衣沾白汗中心熱不信垂楊下有涼柳下乘風

紅樹林西日已低蕩舟猶未出前溪漁郎眼見風波慣昏黑還家路不迷斜陽蕩槳

臘盡山中一月陰雪埋樵徑沒腰深光搖銀海連天白縱有梅花何處尋凍雪埋山

春閨怨

紅冰點點濕羅巾啼鳥聲中又暮春誰料玉顏鸞鏡裏勝人翻
得不如人

海棠庭院雨初乾倦倚東風翠袖寒懶把金錢換脂粉春容粧
就與誰看

含愁無語倚粧臺又見飛花點翠苔蝴蝶似知人冷落雙雙飛
近綉簾來

鬢髻雲髻睡初醒鵲喜無憑懶更聽多少同年採蓮伴雙雙携
手笑歸寧

江上春風吹綠波空閨無奈老催何年年逗到花時節添得愁
深淚轉多

罷整雲鬟懶畫眉春眠常自起來遲愁腸百結如絲亂分付春
風且莫吹

楊朝宗喪偶思之不置因賦觀物思人十詠以書其卷

寶鏡

寶鏡新磨數月前清光如水照婵娟可憐今日粧臺畔鏡自圓
圓人不圓

金針

共引香絨一縷長刺襦曾綉紫鴛鴦于今拋擲紗窻下冷澁誰
拈補舊裳

并剪

院落春寒靜畫屏并州快剪寂無聲尋芳幾度人歸晚不見忙

拋出笑迎

黛粉

螺黛無香雜粉脂偶開奩見憶當時風流曾學張京兆笑與同心人畫眉

錦機

碧紗窻下舊機存唧軋寒聲悄不聞風攪長絲成寸斷此生無復見回文

蘭缸

漏滴譙樓鼓四催寥寥顧影坐成呆都無舊喜新增恨為報燈花莫浪開

瓊釵

花落東欄滿地春女奴開閣埽輕塵回看舊日梳粧處只見瓊釵不見人

羅裙

八幅羅裙拂地長懸施銷盡萼蘭香去年為採蘋蘩日曾曳春光到水傍

綉鞋

費盡針頭幾日工綉成閒着步春風鞋尖未破人先破孤負秋蓮兩瓣紅

鴛枕

冷却珊瑚枕上凹孤眠無夢到藍橋山盟海誓人何在寸斷愁腸是此宵

懨

寮

集

在潮音庵賞紅白蓮花

號國夫人武媚娘調脂弄粉兩般粧如何盡入東林社不念三
卽與六卽

維摩室內添香女兩兩紅裙映白衣悟徹無生空色相率陀天
好不思歸

綽約鶯鶯面似霜鮫綃裙後侍紅娘含情欲待張生至立盡深
更月滿廊

白玉丰姿紅粉面無人拘管儘風流嬌癡竝倚南薰立遮莫逢
僧不愛羞

一片黎雲襍彩雲鮫綃裙映石榴裙貞娘面白初勻粉西子唇
紅酒半醺

與芳一春上人題風煙雪月梅

誰家昨夜吹羌笛姑射仙人暗斷腸零落銀鈿倦收拾朝來滿
地是殘香風

缺石肝腸白玉容了無花輩伴深冬分明正作羅浮夢恨殺僧
敲水寺鐘雪

輕煙籠罩舊精神老眼昏花認不真疑是兜家金帳底玉容嬌
軟唱歌人煙

雪壓茆簷拚舊扉孤山山下客行稀風吹香氣月涵影好是弄
珠人夜歸月

與一雲上人題紅梅

態度風流巧樣粧夜深立月近僧廊通身盡染猩猩血細鞦無

腥却有香

菊圖

買得菊栽三徑中陶潛心與我心同不憂身外無官職只怕床頭酒甕空

蘭

物外身心石水隣光風吹帶不沾塵憑誰剪去閒荆棘留取清香暗襲人

畫鶴

高飛萬里片雲孤不受時人握粟呼三度伐毛三洗髓眼中曾見海濤枯

寄隆師道

楊柳花飛湖草青一杯曾與話離情山窓此日重相憶愁聽風吹落葉聲

半枯古木圖

河邊古木枯摧久不作人家爨下薪留得中間心獨好孫枝重領十分春

菊圖

義熙年後花難種寸地皆歸劉寄奴爭似皇明時節好萬籬黃菊那家無

子猷看竹圖

不踏東城西市塵竹林深處往來頻相陪一味清風坐絕勝持杯對俗人

都下送僧還鄉

收拾輕囊與木杯好隨閒伴故園回黃金臺下塵如海無事袈裟莫便來

都下送閩僧還鄉

都下逢師又別師滿城風雨熟梅時貧交老我無金贈折取官橋楊柳枝

重逢漏澤寺澄月溪上人

記得花時別故人花開又閱幾番春憐余不解隨時俗短布單衣只舊貧

採藥圖

荷衣不染世途塵老住青山一味貧採得濟時籃裡藥等閒不

賣與常人

聚禽圖

爾禽何處飛來此占我亭前花樹枝俯啄春虫俱飽煖肯憐丹穴鳳凰飢

山水圖

曲澗清泉浸白沙鳥啼深樹樹無花行人莫被山遮眼獨木橋西路易差

山中有僧愛清淨厭接俗流門懶開報爾南隣花酒伴非因結社莫頻來

釣魚圖

風風雨雨易添愁收拾絲綸且泊舟誰信桃花二三月水渾魚

小不吞鈎

杜甫遊春圖

年少心情老未忘
尋花問柳一春忙
醉吟驢背歸途晚
不道孤身在異鄉

網魚圖

滂沱一夜桃花雨
江上曉來春水深
見說漁郎有生意
老夫亦起覓魚心

游仙圖

曾挾丹書朝紫宸
有時飛珮入紅塵
壺中一粒長生藥
不授尋常下土人

泊舟圖與致仕周二尹題

我老船輕先到岸
帆檣收拾已安閒
回頭憫彼貪程者
正在驚心白浪間

杜甫游春圖

好鳥啼春春晝長
滿林花氣襲衣香
飄零萬里無家客
老為尋詩日日忙

廉溪愛蓮圖

玉色蓮花開滿塘
水風吹引入簾香
不曾着苧搖紈扇
自覺心清一夏涼

困明賞菊圖

菊有秋香柳有春
辭官歸去未為貧
樽中無酒醒醒坐
也勝低頭拜俗人

和靖觀梅圖

流水無聲澗有冰雪深山路斷人行梅花香繞巢居閣和靖先生夢正清

畫竹重過岳祠院題

不到精藍三十載閒因看竹又重過兒孫玉立俱長大喜見青

山中有竹瘦如僧雨洗風吹分外清我欲頻來戲干木石頭路滑恐難行

澗有菖蒲路有苔秋雲合處寺門開麻姑也愛僧清淨遠遣青鸞寄字來

秋筠未老梢先斷瘦短不知新篠長明月滿空風寂夜可憐無

影過東墻

折竹

此君脩脩近禪榻勾引清風助黑甜葉葉枝枝盡清淨不容紅粉灑吳鹽

醉宿笑菴先生房留壁

君曾為客偏憐客酒食情懷一樣濃燭盡更燒重勸飲不知僧打五更鐘

飛鳴宿食荷花鷺鷥圖

宿宿飛飛無定居時平四海網羅除煙波是處堪求食不獨蓮花池有魚

紅衣零落滿地香此日秋蓮結翠房喜得夜涼棲息穩不思天上蓮鵲行

荷葉叢深地水淺心情費盡得魚稀
回頭却欲呼閒伴別向蘆花浦外飛

荷花荷葉滿西湖六月湖深暑氣無
日午漁郎歌款乃水禽飛起亂驚呼

對奕圖

信手移碁解寂寥我無機變不心勞
曾聞有道山翁說着着羸人未是高

瓊林醉歸圖

騎馬看花紫陌中金闈通籍氣如虹
酣歌暮返萬人避不與布衣時節同

隱士圖

不是焚燒竹帛時如何踪跡怕人知
肯將文字濟天下絕勝眠雲茹紫芝

馬圖 為解巡檢賦

暫行犖确蹶霜蹄立仗彤墀終有時
脫兔自同騏驎別何人執策敢言騎

千金駿骨出群才萬里遙從冀北來
放向吳淞江水外竟無人識是龍媒

網魚圖

江水綠深生意新楊花飛盡欲無春
得魚曬網還家晚一路鯉風暗觸人

梅圖為霑上人賦

傲

戰罷群陰獨抱陽
花開別有一般香
不知子熟薰風裡
那個禪人敢摘嘗

睡魚圖

船頭無事睡
普騰日欲低
時尚未醒清夢不同蝴蝶化
隨風吹繞白鷗汀

古松

人嫌擁腫云無用
遺落山中壽獨長
老幹鱗皴舊枝短
幾番禁雪又禁霜

高僧掩關圖

隔岸好山如畫屏
茆菴近水十分清
僧因結夏靜中坐
門外人來不送迎

袁安卧雪

凍雪擁門門不開
塵生瓦甃灶無煤
先生僵卧正枵腹
不道衝寒縣尹來

蘇子遊赤壁

不見曹瞞舊日兵
沙凝戰血水猶腥
遊人一枕孤舟夢
夜被橫江鶴喚醒

甫里先生

下第歸來賦考槃
盡將心事付魚竿
籠中多養能言鴨
要換中官金彈丸

周顥

山靈無伴草堂空
石路苔荒漸不通俗
客休頻騎馬至至今損

鶴怨周顒

次月菴韻

兩脚如麻亂入河桃花渡口漲新波不知頭白尋春客蓬底今朝興若何

六祖傳衣渡江圖

碓頭功到米無糠笑領袈裟夜渡江風引慈航南去遠曹溪遂裡有新腔

畫圖

桃花紅嫩柳條粗三月西湖勝畫圖野鳥亦憐春色好聲聲只勸客提壺

船子和尚釣魚圖

雨灑蓑衣有濕痕桃花水漲滿溪渾船頭忽遇赤梢鯉香餌和鈎一併吞

花鳥圖

五月南州晴復陰安榴花發草叢深薰風是處無羅網枝上黃鸝有好音

開過芙蓉開木犀涼風漸近授衣時靈禽預報深秋喜要爾折花人得知

披圖偶見傾城色觸動老人年少心心醉不知春是夢欲燒紅燭照更深

姑射仙人冰骨瘦壽宮主茜裙紅含章閣外斜陽裡相見依稀風味同陽

春暮圖

春正好時風雨惡天晴可出又無花綠陰遮斷溪南路何處重尋賣酒家

彈琴圖

取得金毛獅子勦洗除腥垢製為琴當場一鼓眾絃絕眼底何人是賞音

白鷹圖

為約上人題

振刷凌風白錦毛涼州飛過正秋高平生不愛鞦韆肉足上無人敢繫條

魚籃觀音

觸鼻鯉風吹袖寒得魚容易賣魚難無人具眼知魚價走遍金

沙十二灘

畫圖

與顏上人題

雨後張燈歌對酒花時約伴出尋詩布衣有此閒邊樂廊廟中人那得知

鵲鴿蓮花

與李氏題

斗粟興謠陋漢文閱牆兄弟想曾聞如何不學鸚鵡鳥飛入蓮塘共彩雲

白頭公海棠

吟對花枝想莫愁花枝覺得更風流金盤却恨無人薦孤負青春伴白頭

棋花畫眉

賦

寮集

斗轉參橫夢醒遲綠衣童子舞傲傲師雄不比張京兆笑對春容懶畫眉

石榴黃鶯

莫對南薰啼不休王孫畫恐出城游能藏眼_見晚如黃舌免逐金丸落樹頭

鷹圖 徽宗筆

猛氣何曾養得馴青絲條斷志方伸休教分餽徐州肉飽則高飛不附人

翠華零落北行時韞上秋鷹正忍飢五國城中嘗馬潼想無心問決雲兒

魚籃觀音

含笑提籃欲趁墟貧無脂粉淡粧梳金沙灘上逢年少只問家鄉不問魚

畫竹 為芳上人題

經霜經雪幾多遭顏色長清節轉高老向祇園雙樹下無人敢斫釣金鰲

秋雲結暝護欄楹風撼時聞碎玉聲不用重聽僧說法入門心目已先清

琅玕多處道人家屐沒苔花石路斜獨自經行明月下亂分秋影上袈裟

頭陀會得香嚴道二六時中泯見聞定出預知閒客至手持鸞尾掃秋雲

小景圖

中有閑步者

未種春田人正忙
雨添新水浸青秧
烏催農事聲聲急
那有工夫步夕陽

喜雨戲書

石頭含潤蟻移窠
龍伯驅龍夜出河
忽霍滂沱三日雨
農夫齊唱太平歌

五月會法弟大猷于旅邸

梅雨兼旬愁正深
渠來慰我客中心
從頭問盡家鄉事
絕勝逢人得贈金

與農題畫

中有放舟人

種罷春田養過蚕
心星布熟滿江南
時平永夏農無事
放棹尋

僧到水菴

百舌

參橫月落五更晴
弄巧枝頭百樣鳴
學盡風前衆禽語
不知忘却自家聲

與小友張鵬題便面

湖南樹裏是他家
經過曾留我喫茶
寒食尋春又重到
持杯得賞半開花

紅梅樹圖

樵夫偶見紅梅樹
鼻不聞香眼認差
踏雪還家對人說
山中臘月有桃花

水仙圖

儼

察集

西東武李氏研錄

洛浦風回水霧消驚鴻起處識妖嬈香魂已托幽花上不用陳
王作賦招

小景

詩僧隱士盡清高道合心同共結交待得花開燒筍月頻來相
見不須招
花氣蒸霞煖未消林香應有藥抽苗山中景好看無厭又踏苔
痕過短橋

漁圖

算老年過五十餘無機胸次漸空虛綸竿交付佗人管食菜從
今不食魚
竿頭釣得一紅鱗不敢分明賣與人未滿尺長尤瘦小恐妨仁

政縣官嗔

海棠小鳥圖

東風庭院欠深藏小鳥群飛識艷粧一點春心勾引去至今肌
骨不生香

悼西宗源母

秋林反哺是慈烏子欲如烏母已無夢破百年恩愛斷睦州從
此不編蒲

悼錢氏伯珉

老伴正如秋樹葉朝朝見落刺無多一年兩度交游處泣聽人
歌薤露歌

雁圖

聯翩北去為隨陽秋又南飛念稻粱不耐饑寒思飽煖與人同
有一生忙

秋葵圖

與雪洲上人題

不得東風分寸力秋來始感蓐收恩乾坤似惜花開晚八月無
霜氣尚溫

竹圖

與計惟清題

一片秋雲聚不開涼風終日掃蒼苔香消粉節吳鹽淡轆轤羊
車去不回

主人不俗竹枝清更喜門前石路平幾度籃輿舁我去蒼雲影
裡聽秋聲

悼金氏安人

月裡嫦娥有信通招呼同住廣寒宮裙釵卸下忽飛去粉黛香
銷綉幕空

紅梅與芝谷上人賦

改換嬌容欲媚誰不搽鉛粉抹胭脂無人肯信今時節鉄石肝
腸也變移

濃將舊汁點春容要與桃花比賽紅儘意風流成散誕高標不
與昔年同

咏蘇城廉石

此是陸績齎林石

職滿歸來有好音斗量珠子秤稱金渠貪已被財迷眼見石如
何肯愧心

畫圖

與遠上人題

塵埃滿面世途人不說虛名便說金老我厭聽曾揜耳至今無
意肯相尋

人愛黃金我愛山金多難學我安閒天光未晚呼童子無事柴
門及早關

偶題

五更清怯翠衾寒離別無難見面難費盡心情種桃李花開留
與別人看

漁圖

喜見煙波厭市朝綠蓑衣勝紫羅袍男兒生長乾坤裏身不屬
人方是高

黃金滿屋說齊奴要比漁閒至死無萬頃煙波半竿竹消磨多

少靜工夫

賣藥圖

家住廬山紅杏林青囊裏藥賣年深醫方不是無靈驗爭奈時
人病在心

抱琴圖

散盡千金學得琴勞勞空費一生心銀箏錦瑟翻新調舉世誰
聽太古音

小景四幅

次月菴韻

楊柳依依拂翠絲桃花月過得魚遲遙聞溪外有人語知是伴
來心不疑

水邊林下寄幽情城市無人知我名跣足科頭踈散慣僧來莫

怪懶相迎

漁可相依樵可親溪山清淨不生塵甘為翫麟隨貧老不學伊
優堂上人

溪上寒深梅未開路凝冰凍滑如苔今朝踏雪門前客不為尋
詩為我來

題畫

魚鹽小市近官河接屋連墻客舍多夜靜燈紅紗埠口南船人
笑北船歌

題畫寄僧

海鶴傳書去不回無媒路裡半生苔亭前夜見長松影疑是高
僧踏月來

與澄上人題畫

一溪流水淨如練四面好山圍畫屏高竹亂藤涼蔽日此中宜
住福田僧

畫

萬竹千松裏石樓涼多六月似深秋明年暑氣熏心日我亦來
從此處游

杯餘閒擊唾壺歌年少逢春樂事多燕子不嫌茆屋小啣泥來
補去年窠

刀圭收拾枕肱眠清夢隨雲繞石泉萬壑松風吹不醒貪夫心
病幾時痊

內有採藥眠人

小結茆廬住水隈幾多人笑我癡呆玉堂金馬無心問却與漁

爭石釣臺

世俗同憎琴尾焦呼童且把布囊包吁嗟未是琴時節不對人彈却最高

自信平生是丈夫吟竚曾不要人扶高歌醉舞江鄉裡搃勝趨炎口聒嚙

粗豪難拜馬前塵貧賤甘為草澤民欲拂氷弦彈古調不知誰是賞音人

鶴圖 與張氏題

飛歸改換舊時形自說前生本姓丁千載不消城郭恨一聲清淚過華亭

松圖

龍影碍空千尺長風吹下有茯苓香 聖朝急欲良材用試問

何年登廟廊

抱琴圖

琴中一曲廣陵散老欲傳人未得人零落氷絃閒舊軫青囊色裏自隨身

紅梅

枝南枝北護香霞不是玄都觀裡花姑射仙人嫌面白改粧顏色餌丹砂

貧婦吟

聊拾荆釵挿髻傍貧無心緒事梳粧燈前紡績窓前織盡與豪家府縣忙

坐傍寒燈夜辟纒燈昏手澀費工夫丁寧膝畔兒休哭要製寒衣奉舅姑
襦舊曾無蘭麝香饑腸豈肯厭糟糠燈前笑對同心說炊糜房歌不可忘

春日即事

陰雲含濕未能收蔽我晴天好日頭一月曾無三日煖春深猶着舊綿裘

見風吹柳絮有似乎毬戲作

浴沂時到楊花落白似毛毬滾路傍賺殺人家小兒女打群奔捉一春忙

小景

今人亦有古人心買竹造樓高十尋藏畫藏書藏筆硯不藏歌

舞與黃金

青紅闌檻俯江流彷彿金山寺裡樓多少尋幽人未到夢魂先向此中游
塵中無處堪消暑遙想幽人水竹居肯把石床分借我就涼來檢未看書

水仙

姑射仙人與洛神冰肌玉骨淨無塵年來學得空王法不惜幽香保夢身

高婦吟

良人重利輕顏色遠向浮梁去販茶去日初栽窓外樹樹高今已可棲鴉

謾將離恨寫琵琶寫盡譙樓鼓二過月有清光花有影遠人今夜宿誰家

鄰客初歸知信息聞郎只在大堤間誰家小賤顏如玉春盡留郎不放還

斷續蟲聲送夜愁朝無好况不梳頭天邊恨殺雙飛鴈不帶音書只報秋

朝來鵲噪可疑猜莫是天涯蕩子回淨埽香閨呼小玉與吾重拭舊粧臺

題便面 中有讀書與漁父

日出持竿學釣魚日斜歸讀古人書門臨堊水多生意衣食年年儘有餘

梅竹圖

遠望羅浮想玉顏湘雲隔斷見尤難暗香疎影清標格知在何年得借看

捕魚圖

籃有紅鱗可換錢生涯漸覺勝如前還家細對兒孫說得護魚兒莫忘筌

水仙圖

千載斷腸魂不散洗空塵想為仙江心細踏凌波步惱得馮夷夜不眠

悼沈氏室

鏡中春散泪房閑雲擁魚軒去不還環珮定應歸月裡何時重

得到人間

寄孫縣尹

會時常少別時多五柳先生近若何
設有相思不相見貧無金
寄寄已歌

開籠放白鷗圖

仰見娟娟秋夜月悽然動我念鄉心
呼童急放籠中鳥一任高
飛返故林

與祖芳上人題小景四幅

驚人富貴水山耳呆日升時即便消
獨爾魚竿最長久高朝直
釣到周朝

社裡詩逋醅未了又携鳩杖去看山
吟身似夢忙中過不及松

頭野鶴閒

山靈留我住山庄住久人間事盡忘
獨記長安五雲裡太平天
子似虞唐

茶香瓦罐响松濤室煖頻添楮拙燒
門外白深三尺雪客因何
事到山寮

與義上人題小景四幅

老欲依僧學坐禪斷除詩酒惡因緣
秋來借得傳燈錄日夕焚
香讀幾篇

凍雪埋山山不青層冰鎖澗澗無聲
梅花枝北空亭下半月寒
深斷客行

喜得心同業亦同船頭相並釣春風
年來共有微生計盡在桃

山房校鈔書籍
花暖浪中

天垂膏露鳳來儀正是西周夢卜時何事硜硜布衣叟白頭甘
茹谷中芝

與明上人題小景四幅

精廬小結南山下牕戶虛明可讀書記得鋤雲新種樹樹高今
又十年餘

持竿終日坐船頭魚小溪清不上釣正是花時生意少春沽典
却舊羊裘

孤篷載雪釣江鄉手捻魚竿十指僵亦勝衝寒南竈客藍關立
馬問潮陽

主人不是尋常士戶外寧無好客來自入新春三徑裡屐苔無

數印蒼苔

與鉅生王永清題小景

內有漁者

楊柳無花三月過雨添新綠滿官河河勝散子鷗汀煖此日漁
郎生意多

杜甫尋春

尋詩曉出百花庄東至長安暗斷腸不是錦城非樂土錦城雖
樂是他鄉

梅竹圖

江南草木但凍死塞北胡兒正苦寒獨有羅浮深谷底梅花無
恙竹平安

梅憐竹有清高節竹不嫌梅氣味酸歲晚山空結為友雪中同

愛一般寒

花下對坐圖

花發喜無風雨妬尋芳偶得故人逢
班荆不飲花前坐孤負春光似酒濃

讀書圖

與一初上人題

蝶散南園花事空將雛燕入草堂
中春光已盡門無客正好攤書讀晚風

漁圖

空埋郿塢金千窖不及磯頭竹半竿
紙炬燃臍羅禍日綠蓑漁父正平安

燃臍董卓故事

騎牛水中行圖

臨淮百里堰初成春到誰家敢問畊
沉灶產蛙村落靜農騎牛背水中行

題扇

流泉觸石溪常嚮風引雲來山盡遮
童子不知山水趣未昏催促我還家

游湖圖

綺羅人坐畫船游酒肉腸中無點愁
肯信癯儒作詩苦終年未到雪盈頭

題梅扇圖

冰霜不虐歲寒枝臘盡開花未是遲
一段調羹心裡事師雄夢見未曾知

漁樵問答

採薪樵子山為業，釣水漁翁船當家。不用相逢問貧富，兩邊俱有薄生涯。

題畫

俊造盡登雲路去，鄙夫無藝在山林。年過五十頭還黑，散誕因無事惱心。

悼陶居士

水面浮漚容易破，草頭珠露不多時。偶然呼吸弗相接，此老便成長別離。

真長望月圖

舉頭見明月，暗想意中人。人遠何時見，月高難與親。

抱琴泉觀圖

流泉與松風，即是無絃琴。清洗幽人耳，分明太古音。

撐船人

寄語撐船人，下篙須着力。只怕功不深，何愁灘水急。


題素扇

長風過絕壑，吹斷白雲影。飛來熱惱處，化作清涼境。

鵲橋仙詞次石田先生韻

浦外孤舟舟中迂叟，不愛章臺楊柳，閑情一段白鷗。知所喜的吟詩酌酒。

阿房空高良嶽空，厚那得萬年悠久。世間事事等空花，目病者暫時見有。

書名		
版別	冊數 1	
定價	10	
編目	字第 29	

北京市中國書局

05-58

